

因照覆並飭交涉局員面與磋商去後茲准該俄員六百七十五號照會內開奉彼留守遠東大臣飭以每縣內能留警察局隊二百名並已知會邊界隊官提督齊車國夫等因爲此札飭遵照辦理

裁營中止

粵督岑制軍前經奏請將粵省綠營武職全行裁汰改練新軍奉 旨交政務處議奏頃政務處以廣西土匪勾串游勇糾衆起釁實因裁汰綠營之所逼今已激成巨禍若再裁汰則兩粵干戈併起將成不治之疾因奏奉 諭旨岑春煊所奏裁汰綠營一摺著不准行近已由政務處行咨該省矣

改練新軍

練兵處議裁各省綠營冗員另編新軍並加增月餉每名每月八兩設遇陣亡並給相當撫恤長養遺族至所定兵額計每一大省設兩軍中省設一軍一鎮小省設一鎮一協云

酌裁制兵

浙省綠營制兵奉 諭酌裁提督呂軍門已接聶中丞咨稱浙省綠營制兵酌裁二成騰出餉項以補練軍津貼軍門當飭韓中戎分知各營遵照辦理